




Republika e Kosovës
Republika Kosova-Republic of Kosovo
Qeveria -Vlada-Government
Ministria e Ekonomisë dhe Ambientit
Ministarstvo ekonomije i životne sredine
Ministry of Economy and Enviroment

MARRËVESHJE MIRËKUPTIMI/BASHKËPUNIMI

NDËRMJET

MINISTRISË SË EKONOMISË DHE AMBIENTIT

DHE

KOMUNËS SË GJAKOVES

Prishtinë 2021

Në mbështetje të nenit 10 të Ligjit Nr. 06/L-113 për Organizimin dhe Funksionimin e Administratës Shtetërore dhe të Agjensive të Pavarura (Gazeta Zyrtare Nr. 7/1 Mars 2019, duke u bazuar në nënin 8 të Rregullores (QKR), Nr. 06/2020 Për Fushat e Përgjegjësisë Administrative të Zyrës së Kryeministrit dhe Ministrive, si dhe Rregullorën (QKR) Nr. 07/2020 për Plotsimin dhe Ndryshimin e Rregullorës (QKR) Nr. 06/2020, në nenin 5 të Ligjit për Vetëqeverisje Lokale (Gazeta Zyrtare Nr. 28/04 Qershor 2008), si dhe Ligjin nr. 07/L-041 mbi ndarjet buxhetore për Buxhetin e Republikës së Kosovës për vitin 2021 (Gazeta Zyrtare Nr.1, 06 Janar 2021), palët nënshkruese lidhin këtë:

MARRËVESHJE E MIRËKUPTIMIT PËR BASHKËFINANCIMIN E PROJEKTIT

Ndërtimi i impiantit të ujërave të zeza në Gjakovë

Palët Nënshkruese

1. Ministria e Ekonomisë dhe Ambientit e përfaqësuar nga Ministri i MEA-së (në tekstin e mëtejme MEA),

dhe

2. Komuna e Gjakovës e përfaqësuar nga Kryetari i Komunës, (në tekstin e mëtejme Komuna),

Neni 1

Qëllimi

Qëllimi i këtij Memorandumi është Ndërtimi i impiantit të ujërave të zeza në Gjakovë .

Neni 2

Vlera e projektit dhe mënyra e Bashkëfinancimit

1. MEA financon këtë projekt në vlerë prej: 400,000.00 € në vitin fiskal 2021, nga nënprogrami Autoriteti Rajonal i Pellgjeve Lumore, kodi buxhetor 18880, Kategoria Projekte Kapitale për vitin fiskal 2021, vlera totale e projektit është: 2,200.000.00, financohet në vitin fiskal 2022 dhe 2023.

Neni 3

Obligimet e Ministrisë së Ekonomisë dhe Ambientit

1.MEA-ja i zoton mjetet për projektin nga neni 2 i kësaj Marrëveshje dhe një kopje e dërgon në Komunë.

2.Pagesat për bashkëfinancimin e projektit **“Ndërtimi i impiantit të ujërave të zeza në Gjakovë”** nga MEA, do të bëhen në pajtim me realizimin e punimeve/furnizimeve sipas kushteve të kontratës, përveç avansit.

3.MEA cakton një zyrtar monitorues lidhur me këtë projekt, i cili monitoron projektin nga fillimi deri në përfundim të kontratës dhe në momentin kur i vëren parregullsitë apo defektet gjatë realizimit të kontratës njofton menaxhmentin e MEA-së.

Neni 4 **Obligimet e Komunës**

1. Komuna obligohet që t'i krijoj kushtet e nevojshme për realizimin e projektit **“Ndërtimi i impiantit të ujërave të zeza në Gjakovë”** Për operatorin ekonomik, të ndërmerr të gjitha masat që kontraktuesi pa pengesa të fillojë implementimin e projektit me kohë si dhe të sigurojë specifikacionin teknik.

2.Komuna obligohet që projektin **“Ndërtimi i impiantit të ujërave të zeza në Gjakovë”** ta realizojë në pajtim me Ligjin Nr. 04/L-042 e Prokurimit Publik dhe të Ligjit Nr. 04/L-194 për Menaxhimin e Financave Publike dhe Përgjegjësitë, si dhe aktet nënligjore për zbatimin e këtyre ligjeve.

3.Komuna e kryen procesin e tenderimit, cakton komisionin e hapjes dhe vlerësimit të tenderit.

4. Komuna emëron projekt menaxherin/organin mbikëqyrës për realizimin e projektit si dhe për inspektimin final të punimeve/pranimin teknik;

5. Projekt menaxheri/organi mbikëqyrës me përgjegjësi të plotë vërteton sasi të dhe kualitetin e punëve/furnizimeve të kryera në bazë të cilave operatori ekonomik lëshon dokumentin financiar me kërkesë për pagimin e punëve/furnizimeve të kryera në bazë të kushteve të kontratës.

6. Komuna obligohet që të njoftojë MEA-në për çdo propozim ndryshim eventual të sasisë dhe kualitetit gjatë implementimit të projektit, dhe për këtë të kërkojë pëlqimin e MEA - së.

7.Komuna obligohet që nëse kerkohen punë shtesë dhe aprovohen, të i sigurojë mjetet financiare nga buxheti i Komunës apo burime tjera.

8. Komuna obligohet që për të realizuar pagesat për punët/furnizimet e kryera në nivel të financimit nga ana e MEA -së, të kompletoj këto dokumente :

8.1 Procesverbalin e hapjes së tenderit dhe raportin e vlerësimit të tenderit (si dhe në rastet e korigjimit të çmimeve të dorëzohen dokumentet e korigjuara).

8.2 Kopjen e Kontratës të nënshkruar me operatorin ekonomik së bashku me ofertën financiare, të verifikuar nga origjinali prej menaxherit të prokurimit të komunës.

8.3 Vendimi mbi emërimin e projekt menaxherit/organit mbikëqyrës/komisionin e pranimi nga ana e Komunës.

8.4 Raportin e projekt menaxherit/organit mbikëqyrës/komisionit të pranimi mbi punët/furnizimet e kryera dhe të aprovuara (situacionet e aprovuara).

8.5 Faturën origjinale nga operatori ekonomik deri në lartësinë e shumës së financuar nga MEA.

8.6 Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK-Departamenti i Thesarit-Ministria e Financave).

9. Komuna duhet të ndërmerr të gjitha masat që shuma e buxhetit e ndare për këtë projekt sipas nenit 2.1 të kësaj marrëveshje, të realizohet gjatë vitit buxhetor 2021.

10. Komuna është e obliguar të njoftoj MEA për rrjedhat e realizimit të projektit sipas progresit të punimeve deri në përfundim të projektit.

Neni 5

Ndryshimet dhe ndërprerja e Marrëveshjes së Mirëkuptimit

1.Me pëlqimin paraprak të Ministres së MEA -së dhe Kryetarit të Komunës, marrëveshja mund të ndryshohet dhe plotësohet.

2. MEA -ja mbanë të drejtën e ndërprerjes së shfrytëzimit të buxhetit për këtë destinim në rast se konstaton se Komuna nuk i ka përmbushur obligimet e veta të dala nga kjo Marrëveshje.

Neni 6

Zgjidhja e marrëveshjes

Palët janë pajtuar në mes vete që kjo marrëveshje të zgjidhet me mirëkuptim.

Neni 7
Numri i kopjeve

Marrëveshja e Mirëkuptimit është nënshkruar në dy kopje, nga një kopje për secilën palë nënshkruese.


Neni 8
Pronësia e projektit

1. Me pranim dorëzimin e punëve të kryera nga ana e operatorit ekonomik, ky investim (projekt) nga kjo Marrëveshje e Mirëkuptimit do kaloj në pronësi të Komunës.
2. Ky investim regjistrohet në pronësi të komunës në mënyrë elektronike dhe fizike, në sistemin e pasurisë në Ministrinë e Financave (SMIFK).

Neni 9
Hyrja në fuqi

Palët nënshkruese janë pajtuar që kjo marrëveshje e mirëkuptimit të fillon të zbatohet nga dita e nënshkrimit.

Muharrem Nitaj,
Ministër i MEA-së



Ardian Gjini,
Kryetar i Komunës së Gjakovës

